



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-247-5/23**

Datum: **10.08.2023. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu pravnog lica „BORKOMERC“ d.o.o. iz Bihaća, za izdavanje vodne dozvole za ispuštanje oborinskih onečišćenih voda iz izgrađenog poslovnog objekta – skladišta metalnog otpada sa pripadajućim sadržajima, na osnovu člana 109. stav 1. tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola Investitoru „BORKOMERC“ d.o.o. Bihać za ispuštanje oborinskih onečišćenih voda iz izgrađenog poslovnog objekta skladišta metalnog otpada sa pripadajućim sadržajima, lociranog u naselju Pritoka, grad Bihać, izgrađenog na zemljištu označenom kao k.č. broj 1207/2, K.O. Pritoka.
2. Ova vodna dozvola se odnosi isključivo na ispuštanje onečišćenih oborinskih voda za predmetni poslovni objekt definisan tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljenje dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta skladište metalnog otpada, isti održava u funkcionalnom stanju i koristi u skladu sa njegovom prirodom i namjenom, te u skladu sa uslovima iz ove vodne dozvole, a sve u skladu sa „Glavnim projektom Hidroinstalacija za prikupljanje, prečišćavanje, odvodnju i ispuštanje oborinskih otpadnih voda sa lokacije skladišta metalnog otpada Borkomerc doo Bihać – snimak postojećeg stanja“.
 - 3.2. Da se istrošena ulja, nautljene krpe i sav opasan otpad koji se koristi u radnom procesu, te procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru, odnosno, obezbijedi adekvatno zbrinjavanje dotrajalih i polovnih akumulatorskih baterija i dijelova koji mogu štetno djelovati na okoliš.
 - 3.3. Da se sa opasnim i štetnim materijama, pri skladištenju, pretovaru i transportu postupa u skladu sa propisima za ovu vrstu djelatnosti, kako ne bi došlo do štetnih posljedica uslijed eventulanog oštećenja te prosipanja ili curenja istih na tlo.
 - 3.4. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i radnih površina te deponija otpada i sekundarnih sirovina nesmetano sakupljaju i odvođe do objekta predviđenog za tretman otpadnih voda (separator ulja i masti), a zatim tretirane vode ispuštaju u recipijent.
 - 3.5. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz separatora ulja i masti.
 - 3.6. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav

način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.

- 3.7. Da se zbrinjavanje taloga iz separatora kao i zbrinjavanje ostalog otpada koji može nastati u postupku rada (akumulatori, i sl.) vrši na ekološki prihvatljiv način, te da se isti zbrinjava isključivo od strane firme sa ovlaštenjem za zbrinjavanje opasnog otpada, prema posebnom ugovoru.
- 3.8. Talog iz separatora, kao i ostali opasni i neopasni otpad, se ne smiju ni privremeno odlagati na česticu «vodno dobro», odnosno u vodotoke i na njegove obale.
4. Da se tokom važenja ovog Rješenja obezbijedi minimalan broj uzorkovanja otpadnih voda iz okna za monitoring (mjerna mjesta definisana projektnom dokumentacijom iz tačke 3.1.), u skladu sa Uredbom o uslovima ispuštanja otpadnih voda u okoliš i sisteme javne kanalizacije, („Službene novine Federacije BiH“, broj 26/20 i 96/20), te pojedinačne i zbirni izvještaj dostavi Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav 3. Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 54/99).
5. U periodu važenja ove dozvole vlasnik, odnosno korisnik objekta je obavezan voditi propisne evidencije, te nadležnim organima dostavljati propisne obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 06/16), Prilog 1. Poglavlje V – Određivanje koeficijenta zagađenja za zagađivače voda kod kojih se ne vrše direktna mjerenja, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
6. U periodu važenja ove dozvole, Investitor „BORKOMERC“ d.o.o. Bihać je dužan provoditi sve mjere i aktivnosti propisane istom.
7. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvjestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
9. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
10. U ovoj upravnoj stvari plaćena je upravna pristojba.
11. Prava stečena po ovoj dozvoli ne mogu se prenositi na treća lica.
12. Ova vodna dozvola, shodno članu 129. stav (1) Zakona o vodama („Službene novine Federacije BiH“, broj 70/06) se daje sa rokom važenja od **5 (pet)** godina, od dana pravosnažnosti ovog rješenja.
13. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

Obrazloženje

Investitor, „BORKOMERC“ d.o.o. Bihać, obratio se ovoj Agenciji dana 12.06.2023. godine sa zahtjevom za izdavanje vodne dozvole za ispuštanje onečišćenih oborinskih voda sa prostora poslovnog objekta skladišta metalnog otpada sa pripadajućim sadržajima, koji se nalazi u naselju Pritoka, općina Bihać.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Rješenja o upisu promjena podataka o subjektu upisa u sudski registar, firma d.o.o. „BORKOMERC“ iz Bihaća, zastupana od strane Damira Borića, izdanog od strane Kantonalnog suda u Bihaću dana 29.12.2003. godine, pod brojem U/I-1583/03,
- Ovjerena kopija Uvjerenja o poreznoj registraciji, izdano od strane Federalnog ministarstva finansija – Porezne uprave Federacije BiH – Kantonalni porezni ured BIHAĆ, dana 27.02.2012. godine,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza firme d.o.o. BORKOMERC Bihać, izdanog od strane Uprave za indirektno-neizravno oporezivanje Bosne i Hercegovine, Banjaluka, pod brojem 04/1-17-1-35-100-5/12, dana 17.02.2012. godine u Banja Luci,
- Kopija uplatnice upravne pristojbe,
- Kopija pravosnažnog Rješenja sa Situacijom terena, kojim se daje odobrenje za legalizaciju izvedenog stanja poslovnog i pomoćnog objekta – skladište metalnog otpada, na građevinskoj parceli označenoj kao k.č. broj 1207/2 k.o. Pritoka, površine 3812 m², a koja se nalazi u Pritoci, investitora d.o.o. „Borkomerc“ Bihać, pod brojem 03/1-23-1-399/19 od 04.04.2019. godine, izdato od strane Službe za urbanističko planiranje, građenje i urbanističko-građevinsku inspekciju Grada Bihaća.
- Kopija Rješenja o ispunjavanju uvjeta tehničke opremljenosti poslovnog prostora za obavljanje djelatnosti prikupljanja, prerade i prometa materijala i sekundarnih sirovina, broj: 06-18-5358-UP-1/2002 od 25.12.2002. godine, izdato od strane Kantonalnog ministarstva privrede Unsko Sanskog Kantona.
- Prema izrađenom snimku stanja poslovni prostor skladišta metalnog otpada se sastoji od: tri betonirane deponije (služe za smještaj metalnog otpada od prešanja do trenutka transporta) – deponija A 648 m², deponija B 600,40 m² – deponija C 413,40 m², betonski manipulativni prostor površine 711,50 m², te pristupni putevi sa asfaltnom podlogom površine 1198,70 m², – nadstrešnica 20x12 m, 240 m² – čelična konstrukcija natkrivena jednostrešnim krovom, pokrov rebrasti lim – kontejner „Euromodul“ tip 1149 dimenzija 6x2,4 m (kancelarijski prostor) – kontejner „Euromodul“ tip 1139 + tip 1143 dimenzija 3,6x3,6x2,4 kancelarijski prostor + sanitarni čvor, na građevinskoj parceli označenoj kao k.č. broj 1207/2 k.o. Pritoka, površine 3812 m², a koja se nalazi u Pritoci, investitora d.o.o. „Borkomerc“ Bihać;
- Kopija Rješenja o vodnoj dozvoli, izdano od strane Agencije za vodno područje rijeke Save pod brojem UP-I/25-3-40-225-3/18, dana 14.08.2018. godine,
- Izvještaj o monitoringu kvaliteta i kvantiteta otpadnih voda objekta „BORKOMERC“ Bihać, urađen od strane „Herkon“ d.o.o. Mostar pod brojem GI-OV-02-020/23, marta 2023. godine, u Mostaru.
- Glavni projekat Hidroinstalacija za prikupljanje, prečišćavanje, odvodnju i ispuštanje oborinskih otpadnih voda sa lokacije skladišta metalnog otpada Borkomerc doo Bihać – snimak postojećeg stanja“, izrađen od strane ovlaštenog pravnog lica „Una Consulting“ doo Bihać pod brojem VS_2_VII/23 jula 2023. godine.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), izvršen je pregled izgrađenog objekta skladišta metalnog otpada sa pratećim sadržajima „BORKOMERC“ d.o.o. Bihać, i tom prilikom sačinjen zapisnik o uviđaju broj: UP-1/21-3-40-247-4/23 od 02.08.2023. godine.

Objekt skladišta metalnog otpada sa pripadajućim sadržajima se nalazi u naselju Pritoka, općina Bihać, sa lijeve strane magistralne ceste Bihać – Bosanski Petrovac. Objektu se prilazi makadamskim prilaznim putem u dužini cca 0,5 km. Magistralna cesta se proteže desnom obalom rijeke Une, što znači da je objekt udaljen od ceste cca 0,5 km a od rijeke Une 0,71 km.

Poslovni objekt skladišta se sastoji od nadstrešnice pod kojom su smještene prese sjekač željeza te kontejneri za akumulatore, kontejnera u kojem su smještne upravne prostorije, kontejnera u kojem je smještena garderoba i sanitarije za radnike, tri betonirane deponije za odlaganje metalnog otpada,

manipulativnog asfaltiranog platoa, objekata za prečišćavanje otpadnih voda (septik i separator). Cijeli prostor je ograden metalnom ogradom u visini od 2,2 metra.

Sanitarne otpadne vode iz upravnih prostorija su kanizacionim cijevima sprovedene do septika.

Oborinske vode sa krovova su sistemom horizontalnih i vertikalnih oluka sprovedene do zelenih površina, a dijelom u slivne rešetke gdje se miješaju za zauljenim vodama sa manipulativnog platoa i deponija otpada.

Oborinske vode koje mogu biti zauljene naftnim derivatima sa prostora manipulativnih površina, kao i vode koje mogu sadržati suspendovane materije sa prostora deponija otpada su nivelacijom terena sprovedene do kanalisa, linijskih rešetki i slivnika, iz kojih se cijevnim sistemom odvodi do separatora ulja i masti na tretman, čiji preliv je priključen u cestovni kanal.

Podnosilac zahtjeva je priložio Izvještaj o mjerenju kvaliteta otpadnih oborinskih voda, urađen od strane ovlaštene laboratorije, čiji rezultati su u skladu sa dopuštenim vrijednostima parametara propisanih Uredbom.

Tačka 5. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i tačka cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva, „BORKOMERC“ d.o.o. Bihać, ispunio minimum uslova za izdavanje vodne dozvole aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98 i 8/00).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Fuad Mujagić, dipl. inž.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „BORKOMERC“ d.o.o. Bihać, Teritorijalne odbrane br. 15, 77 000 Bihać
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava